



Synfocity = 471

mail us at : mzsynfo@gmail.com; mizoramsynod@gmail.com - Phone - 2314648

23rd January, 2014

❑ CKTP hruaitute leh ACBOA hruaitute inbia

January 20, 2014 khan Central Kristian Thalai Pawl (CKTP) hruaitute leh Aizawl City Bus Owners Association (ACBOA) hruaitute ACBOA Office, Kulikawnah an inbia a, KTP General Conference February 27 –March 2, 2014 chhunga Khawzawla neih tura City Bus hman dan chungchang an sawi ho.

CKTP hruaitute leh ACBOA hruaitute inkawmna hi Pu Jeffrey L. Fanai, ACBOA General Secretary-in a kaihruai a, ACBOA hruaitu 3-in an tawiawm a, CKTP lam atangin Leader Rev. Lalrinmawia, General Secretary Upa Zonunmawia leh Com. Member Pu Lalmuanpuia Hrahsele an kal a. City bus hire-tu ten ACBOA rate ang aia sang leh a aia hniama bus hman loh ni se, lo inbiak rem tawh a rate sang zawka inlan loh ni se, an ti a. Central KTP lam hruaitute chuan, Kohhran Thalai inkhawmpui a nih angin Bus driver leh conductor-te pawhin inthununna vawng tha se, ruihtheih thilah inthiarfihim se, an duh thu an thlen a. ACBOA hruaitute chuan February 1, 2014-ah City Bus Drivers leh Conductors Assembly-ah lo infuih thar an tum thu leh, hemi chungchang bik sawi ho tur hian inkoh khawm an lo tum thu an sawi a ni.

ACBOA hruaitute chuan Bus hire rate muml tak an neih thu leh dan zawm lote hremna tur Action Rules pawh mumal tak an neih thu sawiin, City bus hmangtu Bial leh Branch KTP-te pawhin inkaihruaina dan an neih zawmpui tura ngenna leh an rate bithliah zawm hram turin CKTP atangin ingenna siam ni se, an ti bawk a. General Conference neih chhungin Khawzawl khaw chhunga Bus service dan tur chungchang an sawi ho bawk a, ACBOA leh Conference Organising Committee lamin bus service dan tur chu lo siam fel se, an ti a, Bus hmangtuten an bus hman a hranpaa khawchhunga hman zui loh ni se, ACBOA leh Conference Organising Committee ten an remsiamna ang zawm tura inngen vek ni se, an ti bawk. ACBOA rate hman mekah Aizawl – Khawzawl bus hman man hi, kal lam leh haw lam atan Rs. 14,500/- a ni a, *halting charge*-ah ni tin Rs. 3,000/- a ni bawk. CKTP leh ACBOA hruaitute hian tluang taka KTP General Conference hman a nih theih nan anmahni lam ve veah ingenna leh infuihna siam ni se, an ti bawk.

❑ Bial KTP Conference

January 24 -26 chhung hian Pastor Bial hrang hranga Kristian Thalai Pawl ten Bial Conference an nei ang. Bial thenkhatah chuan January 31 - 2 February chhunga hman tum a ni bawk. Bial Conference hmanpui turin Central Committee member-te hmun hrang hrangah hetiang hian an insem darh:

A hun	Kalna tur	Kal chhan	Kal turte
♦ 24-26.01.14	Bairabi Bial	Bial Conference	1. Upa Dr. Samuel Vanlalhlhanga (AL) 2. Pu Lalnginglova Hauzel
♦ 24-26.01.14	Tuipuibari Centre Bial	Bial Conference	1. Upa Zothangzuala Chhangte (T) 2. Pu R. Lalruatkima
♦ 24-26.01.14	East Lungdar Bial	Bial Conference	1. T.Upa Zohmangaiha (FS) 2. Pu Lalmuanpuia Hrahsele
♦ 24-26.01.14	KTP, Khawbung Bial	Bial Conference/ Diamond Jubilee	1. Upa Zonunmawia (GS) 2. T.Upa Dr. H. Lalthanzara
♦ 24-26.01.14	KTP, Lunglei Chanmari Bial	Bial Conference	1. T.Upa Lalremsiam 2. Upa Lalhruaizela
♦ 24-26.01.14	KTP, Manikbond Bial	Bial Conference	1. Pu Vanlalhruaia 2. Tv. R. Lalramnghaka
♦ 24-26.01.14	KTP, Cherhlun Bial	Bial Conference	1. T.Upa Lalramdina Ralte 2. Pu R. Lalhmingthanga
♦ 10-12.01.14	KTP, Sihfa Branch	Diamond Jubilee	1. Rev. Lalrinmawia (Leader) 2. Dr. Lalliansanga
♦ 24-26.01.14	KTP, Khawbung Branch	Diamond Jubilee	1. Pu Samuel Laldingliana 2. Tv. R. Lalramnghaka

❑ Music

♦ November 2, 2013-a Trinity Guildhall (Trinity College, London) Kolkata Centre hnuai exam buatsaih chu January 21, 2014 khan result tih chhuah a ni a, Synod School of Music atanga exam mi 12 ten tha takin an pass vek a ni. Exam beitate leh result a hnuai tarlan ang hi a ni :

S/n	Hming	Veng	Grade	Division
1.	Lalrindiki	Upper Republic	2	Distinction
2.	Vanlallawmawmi	Mission Vengthlang	4	Distinction
3.	R. Lalrorelkima	E. Lungdar	4	Distinction
4.	Lalawmpuia	Republic	5	Distinction
5.	V. Lalsangzuala	Saikhamakawn	5	Merit
6.	Lalruatkima	Republic	5	Merit
7.	Lalhmingliana	Churachanpur	8	Pass
8.	Lalrinmawia	Khatla South	8	Pass
9.	Lalrinchhana	Ramhlun Vengthlang	8	Pass
10.	F. Lalramchhana	Kanan	8	Pass
11.	Mimi Lalruatsaki	Aizawl Venglai	8	Pass
12.	R. Lalchuanawma	Leitan	8	Pass

♦ Synod School of Music chuan music school tih changtlun zel nan Baby Grand Piano 1 leh Yamaha Electronic Piano (Clavinova) 5 an lei thar.

♦ January 28 - 30 hian Damparengpui Bial huapin Damparengpui Kohhranah Zai hruai training neih a ni dawn a, hemi neihpui tur hian Pu Lalromawia, Synod Music Instructor a kal ang.

- **Zin**
Nimin (Jan. 22) khan Keifang & Saitualah Presbyterian English School HSLC hmachhawn turte tlawhin Upa D.P. Biakkhuma, Supervisor of Schools a kal.
- **Synod Mission Board**
January 22 - 28 chung hian Arunachal 'W' Field a Jubilee Model School, Simenchapori leh Laimekuri upgrade chungchang zir chiang tur leh Field chung Station thenkhat tlawh turin Rev. P.C. Pachhunga, Executive Secretary i/c Mission; Upa H. Doremthanga, Board Executive Committee Member leh Pu H. Vanlalchhuanga, Supervisor of Schools te an kal.
- **MSSU**
January 22 - 25 hian Tuithaphai Presbytery Sunday School Zirtirtu Training, Lamka Kohhranah neih mek a ni a, hemi neihpui tur hian T.Upa Lalthahluna Ralte, MSSU Asst. Coordinator leh Upa Chhuanawma, Zuangtui (MSSU Trainer) te an kal.
- **Hruaina Eng FM Radio & TV Programme**
 - ◆ **JANUARY 24 (FM Zoawi Aizawl @ 7:30 p.m.) :**
Solo : Debbie - I va hlu em Lalpa, **Choir :** Chaltlang Pastor Bial Zaipawl - Ka Zir fo Thin, **Thuchah :** Upa B.Lalhmunliana - Nu leh pa thate mal chungah naupang tha, **Group :** Male Quartet - Pulpit, **Choir :** Saitual Pastor Bial Zaipawl - Inpeih Thuai Rawh
 - ◆ **JANUARY 24 (FM Lunglei @ 7:30 p.m.) :**
Solo : Debbie - I va hlu em Lalpa, Synod News, **Choir :** Chaltlang Pastor Bial Zaipawl - Ka Zir fo Thin, **Thuchah :** Upa B.Lalhmunliana - Nu leh pa thate mal chungah naupang tha, **Group :** Male Quartet - Pulpit, **Choir :** Saitual Pastor Bial Zaipawl - Inpeih Thuai Rawh
 - ◆ **JANUARY 26 (TV Programme @ 3:00 p.m.) :**
Zaipawl : Tuikual South Pavalai - Adam khawng e awm, **Sermon :** Upa C Lalhmingmawia - Tuihal rehna Lal Isua, **Zaipawl :** Venghnuai Bial Zaipawl - Nunna Tui, **KTP Diamond Jubilee Zaipawl Hla Zir & Tshirt Tlangzarh, Skit :** Nula Rim
- **Susamachar Prasaran Programme**
JANUARY 26 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Tanhril Pastor Bial - Mere Mashi, **Group/Choir/Solo :** Chhinga Veng Masihi Sangati - Isu Bula Raha Hai, **Sermon :** Lalhruaitluanga - Isu Kaun hai, **Group/Choir/Solo :** H. Vanlalringa - Prabu Tera Pyar, **Stuti Geet :** Khul Jayegi Kitabe
- **Moderator Programme**
Synod Moderator Rev. K. Lalhmuchhuaka chuan hetiang hian hun a hmang ang :
 - ◆ January 24-26 : Sakawrdai Bial KTP Conference, Vaitin
 - ◆ January 29 (Nilaini) : Phaileng Kanan Biak In thar hawn

MOTOR AUCTION

Synod Motor MZ 01 D5967 Bolero DI 7 Seater chu hrath tur a ni a. A chhang duh te chuan Synod Office, Alzawl-ah Office hun chungin a en theih ang. Chhanna hi February 7, 2014 thleng a hnuai hming ziak hnenah a thehluh theih ang a, February 10, 2014 chawhnu dar 1:00-ah hawn a ni ang. A chhangtu chuan pawisa a pe tla nghal tur a ni ang a, a nei lo a nih chuan a chhang huai ber dawt tu hnenah pek a ni ang. A chhangtu te chhanna hi reserved price aia hniam a nih chuan pek loh theih a ni ang.

Rev. Lalzuithanga
Senior Executive Secretary
Mizoram Synod

SYNOD BOOKROOM BOOK NEWS FOR THE MONTH OF JANUARY 2014

1. Paula Lungin Tan lekhathawn - By Revd Chuauthuama	Rs. 150
2. Lalkherha leh a sermon - By Upa K. Saibela	Rs. 100
3. Mithianglim Luka chanchin - J.F Laldailova lehlin	Rs. 150
4. Bible chang zawnawlna - By Lalremmawia	Rs. 250
5. Tuarna leh malsawmna - By Lalzawmliani	Rs. 80
6. Hlimna kailawn - By Thansanga Chawngthu	Rs. 120
7. Kohhran Hruaitu - By Rev. Dr. Laiu Fachhai	Rs. 150
8. Thawnthu 40 - By Pi Khawkungi	Rs. 200
9. Lamlan lehlam - By Lalhruaitluanga Chawngte	Rs. 150
10. Natna leh a damdawite - By R.C Thanga	Rs. 150
11. Ka chenna ram - By R. Rozika	Rs. 120
12. Vai ram zin thu - By C. Laizawna	Rs. 50
13. 86 The Drive - By Lalkiamlova	Rs. 100
14. Jail run thim - By C. Zama	Rs. 200
15. Rualbanlote dikna leh chanvo - By Ruatfela Nu	Rs. 150